

# Көдлмш хашнъгар кегдджәнә

Ургъц хуралгъна көдлмшән Сарпинск района эдл-ахус нюлин эклцәр экллә. Зурагъ-ар хадгдх зөвтә 56.880 га тәрәнәс хойр долан хонгин дунд зуг 14.000 га тәрән хадгдв.

„Путь к коммунизму“ колхоз 12.586 га тәрәнәсн зуг 1167 га хадж, юнъгад гихлә, энд хадлгън цоклгън хойриг онц-онцднь кегч прогрессивн эв-аргъ олзлгдджахш, колхозин правлень, специалистир бийснь эн прогрессивн эв-аргъин чинринь үнджәцхәхш, колхозникудт энүнә чинринь цәәлгәджәцхәхш. Тракторн бригадсар куч-көлсн диг-даран уга, агрегатс өдр болгън гишнь көдлмштән йир ора гарна, невчк әрвджго хур дуслвй—угай гихлә, көдлмшән зогсачкна.

Шин ургъцин буудя оруудж авлгънд бас эдн муугъар белддж. Ут тоодан 6 ток, теру-нәс 3 механизированн ток белдгдх бәәсн, теднь кұцдән белн биш—деерән буркә уга, зәрм токмудт чинънур уга. Буудя зөбджәх зәрм машиндин бортнь хамхрха.

„Путь Ленинә“, „40 лет Октября“ колхозмудт болн „Степной“, „Сарпинский“ совхозмудт бас ургъц хуралгъна көдлмшин йовуд йир му.

„Путь Ленинә“ гидг колхоз 5542 га тәрәнәсн 457 га хаддж, бүкл колхозд дөрвхн жатк бәәнә, ургъц хуралгън шудтнь комбайнлгъар кегддж йовна.

Эмиг газрин совхоз „Степной“ икнъкдән буудян культурин эдл-аху, тиим болдг болвчн, ургъц хуралгъна көдлмш энд йир хашнъгар, зогслттагъар

кегддж йовна. 24.60С га тәрәнәс зуг 2712 га газрт ургъц хаддж унъгаддж. Ургъц хуралгъна көдлмшт белдвр кехләрн эдн, хадлгън цоклгън хойриг онц-онцднь кехәр бәәсн уга. Совхозин гардачнрт эн туст заавр өггдснә хөбн көдлмш невчк ярсн бәәдл гарла, тер бийнь, хойр долан хонгин көдлмшәрнь хәләхлә, совхоз ик ард йовна.

Района эдл-ахусар политическ цәәлгъврин көдлмш тату болсна ашнь—им хашнъ көдлмш болджана гидж тоолх кертгә.

Эдл-ахусин кесг бригадсар боевой листокс төруц гаргъгдхш, кұүндвр, газет умшлгън кегдхш, үзмджин агитац, дуудгч лозунгс уга. Келхд, „Степной“ совхозин зәрм бригадст „Тәрә тәрлгъиг ахр болзгт дуусхмн“(!?) гисн лозунгс ода кұртл өлгәтә бәәнә.

Эн совхозд селгәндән 50 га тәрә хадг Д. Дорджиев, Г. Заруднев болн нань чигн шунмгә лафетчикуд бәәнә. Болв совхозд эднә нұурлгч дамшлт тархагдхш.

Эн ард хоцрдж йовх эдл-ахусин гардачнр ода кұртл им үнтә цагиг кұтц кевәр олзлдг дасад уга, им йовдлмуд. тәвдж өгч болшго эндүс болдж гарчана.

Райком болн райисполком зәрм эдл-ахусар бәәх аәмшгтә бәәдлиг дарунь уурулхин тәлә, ургъц хуралгъиг зуг хадлгън цоклгън хойринь онцднь кегч прогрессивн эв-аргъар келгъхин тәлә, эдл-ахусин гардачнрин өмн даалгъврта төр тәвцхәх зөвтә.